

## LETTERA DI SAN PAULU APOSTULU A' FILEMONE

	<b>Pagina</b>
<b>Salutazione</b> .....	<b>1</b>
<b>L' amore è a fede di Filemone</b> .....	—
<b>Paulu intercede per Onesimu</b> .....	—

# LETTERA DI SAN PAULU A FILEMONE

## Salutazione

- 1 Paulu , imprigiunatu per amore di Cristu Ghjesù , è Timutei [ u nostru ]  
fratellu , à Filemone , u nostru carissimu cumpagnu d'opera ,
- 2 è à Affia , a nostra surella, è à Achippu u nostru cumpagnu di lotta , è à a  
cungreca chì hè in casa toia .
- 3 Cù voi sianu smiritatu perdonu è pace da Diu , u nostru Babbu , è da u  
Signore Ghjesù Cristu .

## L'amore è a fede di Filemone

- 4 Ringraziu sempre u me Diu quand'e ti ammentu in e me prichere,  
5 perchè sentu sempre parlà di u to amore per tutti i santi è di a to fede in  
Ghjesù Cristu .
- 6 Chì u to partecipamentu à a fede sia à ghjuvone ; fà dunque cunnosce tuttu  
u bè ch'è no pudemu compie per u Cristu .
- 7 U t'affetu mi hà datu cunfortu è grande cuntentezza . Grazie à tè,  
Fratellu , u core di i santi si hè spannatu .

## Paulu intercede per Onesimu

- 8 Per sta raghjone , bench'e aghja grande libertà per prescriveti ciò chì hè  
cunvenente ,
- 9 preferiscu esse omu supplicatore . Quelli chì ti scrive hè Paulu , u vechju  
Paulu imprigiunatu per Amore di Cristu Ghjesù ;
- 10 ti esortu riguardu à u me Figliolu ch'aghju ingeneratu in prigiò , Onesimu,  
11 durente un certu tempu ti hà infastiditu , ma avà tù è eiu averemu u so  
sustegnu.
- 12 Ellu , chì hè cum'è u me propriu core , u facciu rivene ind'è tè .
- 13 In lienda [ di prigiunia ] ch'e portu per Amore di a bona nutizia , Onesimu,  
rimpiazzenduti , sempre mi aiute . Brameria trattenelu accant'à mè,  
14 ma senza u to assentimentu ùn vogliu fà nulla , affinché u to bon attu ùn  
sia cumpiutu cù un suppu di malavoglia , ma volenterì .
- 15 Onesimu , forse si alluntanò da tè per pocu tempu , perchè tù posca  
riavellu pè u Sempre ,

- 16 micca più cum'è un schiavu, ma megliu chè un schiavu, cum'è un carissimu Fratellu , specialmente per mè , ma ancu più per tè , sia cum'è omu sia cum'è credente .
- 17 S'è per mè sì un sociu ricevilu cù favore cum'è à mè stessu .
- 18 Inoltre s'ellu ti hà fattu un tortu o s'ellu ti deve qualcosa , metti tuttu nant' à u me contu .
- 19 Eiu, Paulu, aghju scrittu què di man propria : rimborseraghju . ( Tù , a sai , mi devi à tè stessu ) .
- 20 Iè , Fratellu meiu , per Amore di u Signore , fammi piacè . A' u me core dalli cunfortu in Cristu .
- 21 Ti scrivu pienu di fiducia , sicuru ch'è tù ferai ciò ch'e ti dumandu, anzi sò ch'è tù ferai ancu di più .
- 22 In u frattempu preparami un allogghju , perchè speru ch'è mediante e vostre prichere saraghju messu in libertà per voi .

### Salutazione

- 23 Epafra , u me cumpagnu di prighjunia, unitu à Cristu , ti mande i so saluti .
- 24 Marcu , Aristarcu , Dema , Lucca , i me cumpagni d'opera [ anc'elli ] ti salutenu .
- 25 U Smiritatu Favore di u Signore Ghjesù Cristu sia cù u vostru spiritu.

... / ... / ... / ... / ... / ...